

Naammanaqtumik Havagiami unalu Hivuuranarniq Unaguhungniq iluani Havagvianit

Hivuurnarniq (qauymayauvlunilu munariniq/havaaq) unaguhuinnaqtuq humiliqaak havagvik nayugaanit taimaa qayangnaqpiaghuni uvungaunngittunut aangayaaqtuq haktuq, kihimi havaqatigiyangillu, tiliuqti, unalu havaktittiyunullu.

Havaktuliqiyit malittiaqhimayakhaat tamaita havaktiita havadjarikhinirmut qayangnaitumik. Una ilaliutigiyangit munaqhiyangit hamna qayangnaqtuq hivuuranarniq unaguhuinnaqtuq ukunani atuagaq unalu pitquhinginlu.

Huna qanurilingalaaqqauk unaguhungniq?

Ihumakkut unalu/uuminngaluuniit timingit unaguqpiaphimayuq taimaa unaguhukpallaqpaktut taimaa ayurnaqtumik ihumaliulaaqhutik unalu ayurnaqtumik timigut ayuqhautit. Unaguhungniq taimaa kigliriyaaulaaqhuni havagvingmi qanuriliyaaulaaqtut aanniutilaaqtut tuqluaaqhutiktauq. Ilangit qanurilingayaaulaaqtut unaguhungnirnut:

- Hinnitiarnaiqtuq
- Havagluapaktut ikaarnikkut
- Unagunaqtunik havaangit
- Unagunaqpiqtumik ihumatigut uuminngaluuniit timitigut hulidjuhingit
- Nirittiaruirniq
- Ayuqhaqtut aimavingmi havagvingmiliuniit
- Aullainnaqtut
- Ihumatigut aanniarutiyut ayuqhaqtut
- Aannianganinaqtut ayuqhaqtut
- Havautituqtut
- Angayaarnaqtumik aturluaqpaktut

Qayangnarnigut unaguhungniq

- Ihuitumik ihumaliurniq
- Ayurnaqtumik timingit halumaittut
- Kayumiipaktut kiulaiqpakhutik
- Puiguinnalihutik
- Qilamik ihumakittuummiqtut
- Tupaummilaittut

- Ayurnaqtumik tuhagaghanut ayuqhittut
- Hivituyumik unaguhuinnaqtut taimaa aannianginnaramik

Uuminngattauq, unaguhungniq unalu taanngaq taimaa ilittuqhimayauyuq ihuiluutauvaktuq inungnut.

Qanuq nalunaiqhilaqqiuq unaguhungniq

- Ninngalaannuit
- Hulyungnaiqhutik havagungnaiqhutiglu
- Aquhimainnaqtutut niaqungit aittaunginnaqhutik
- Ayuqhaqtut tupauummihimagiami
- Ayuqhaqpaktut hivumuqaqhimaami ayuqhaqhutik ihuaqhinahuarnikkut
- Ayuqhainnaqhutik ihuinaanginnaqtut
- Ayuqhaqpaktut taigiami kangiqhinahuariamilu, uqarvigivlugit hulivakhutik pilihaaqhimayut uvattiahuanuaq
- Ihumaaluinnarniq
- Niriymahuirniq

Inikhangit unalu Munariyakhangillu

HAVAKTULIQIYI UNALU TILIUQTIT

Malikhugit uvunga Nunatsiaq (NWT) unalu Nunavut (NU) *Qayangnautigut Maligait*, “Tamaita havaktittiyut munariyakhaat aulapkaihimaningit imaatut taamna aanniarutingit qayangnautingillu inungnut iluani aulapkainianut hivuuranaqtukhaittuq; taimaa naammagiaynik piyukhautauyuq tiguaqhimalugillu turaaqtilugillu tamaat naammaktumik qauyiarningit pitquhinginlu malikhimagiangani qayangnairutigut taimannut inungnut aulapkaihimayangit.”

Naammanaaqtumik Havagiami unalu Hivuuranarniq Unaguhungniq iluani Havagvianit

Munarinahuarlugit unaguhungniq ilagiayuyut, kihimi angmaumainnaqhuni:

- ikayurahuarlugit nalaumattiaqtumik tamainnut havagvingmit;
- pivallianahuarlugit munaqhiilugillu havaanut nailinahuaqhimalugit hivuuranaqtumik unaguhungniq;
- ikayuqhimalugit qauyihaidjutikhainut, nalunaikutaq, ilitturvikhangit unalu ilihautikhait qayangnarnianut aanniarnigut, qayangnautigut inuutiarnikkut havaktinut ingilragaangat havaangit, tahihimayangit ikaarningit, uuminngaluuniit hivayaqtaugaangat havaktukhanut.

HAVAKTIT

Malikhugu ukunani Nunatsiaq unalu Nunavut *Qayangnautigut Maligait*, "Tamaita havaktittiyut munariyakhaat aulapkaihimaningit imaatut taamma aanniarnairutingit qayangnautingillu inungnut iluani aulapkainianut hivuuranaqtukhaittuq; taimaa naammagiyarnik piyukhautauyuq tiguaqhimalugillu turaaqtilugillu tamaat naammaktumik qauyiarningit pitquhinginlu malikhimagiangani qayangnairutigut tamainnut inungnut aulapkaihmayangit."

Una ilagiayuyukhat:

- aturnahuarlugit havangillaktut unaguiqhiqtukhat iqiiqhimagiami havangniarumik ingutaaqhimayumik havaangit;
- ikayuqhutik havaatigut inikhaanit nailinahuaqtangit qayangnautigut unaguhungnirnut;
- ilauqatauhimayunit iluani ilihautikhant ilaliutigiyangit kangiqhittiarahuaqhugit unaguhungnirnut;
- ilitariauvaktut unipkaarivluniuk atannguyangit uuminngaluuniit tiliuqtinut ilitarigumiuk unaguhungniq taimaa qayagiyaugumik aallanullu;
- pittailinahuarlugit hulidjuhiit ilitquhiitaluuniit unaguhungnirmut.

ILAGIKTUT HAVAKTULIQINIQ QAYANGNAUTINGA KATIMAYIRALAAT

Malikhugu ukunanngat Nunatsiaq unalu Nunavut *Qayangnautigut Maligait*, "Una havaktakhait haffuminngat Katimayiralaat havaktut nayugaanit ilauqatauyukhat uvani nalunaikutaq munariyangillu qayangnautigut hivuuranaqtut; ikayurahuaqhugit aanniaqtailinirnut qayangnautigut havaktinut."

Una ilagiayuyukhat:

- ilittuqhiinahuarlugit tamaat qayangnautingit munariyangit pitquhinginlu haffumanu unaguhunhniq pivalliahimayut malikhimayangillu havaktittiyunut havaktunullu.
- tunihivlutik tukhiutigiyangit pitquhingit nutaannguqtiqhimayut ikayuutauniaramiuq nailinahuarlugit qayangnautigut haffumanu unaguhungniq.

Nunatsiaq unalu Nunavut Qayangnautigut Maligautaat

Uyaraqtarvik Qayangnautigut Maliguarutit, Ilangani 2.01-2.07, Ikaannikkut Havaaq

Havaktuliqiyit Qayangnautigut Maliguarutit, Ilangani 86, Ingilrayut Havaaq unalu Akhuerutinahuaqtangit Atuqtakhainit unalu Ilangani 35.1, Hivuuranarniq

Tunngavingit

<https://safetyalliancebc.ca/the-dangers-of-fatigue-in-the-workplace>

<http://safetytoolboxtopics.com/comments-on-toolbox-topics/432-identifying-fatigue.html>

<http://1h852z2fwxmt3h656s3fswmy.wpengine.netdna-cdn.com/wp-content/uploads/2012/04/model-fatigue-management-policy.pdf>

<https://www.ccohs.ca/oshanswers/psychosocial/fatigue.html>